

Cartas nordic

Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2025

■ **Nexø, Danmark:** Naves a vela es un vista phantastic in un porto, specialmente in plen sol como ci in Nexø, le citate le secunde plus grande del insula Bornholm, sur le costa est. Sur le nave schola Georg Stage on ha desde 1882 educate futur marineros danese. Georg Stage, qui moriva de tuberculose in 1880, 22 annos de etate, esseva le filio del armator Frederik Stage e su sposa Thea. Iste secunde nave schola esseva construite in 1934 in Frederikshavn. Su tres mastes ha un altitude de 31 metros, le nave es 54 metros longe e ha un area de 850 metros quadrate pro le 63 alumnos (masculine e feminin) e dece membros del equipage. Georg Stage es un ben cognoscite visitator in le portos danese, e on invita le locales (e touristas) a bordo pro narrar super le education.

Texto e photo: Thomas Breinstrup

Questiones

1. Ubi ha essite photographiate le nave schola?

2. Qui esseva Georg Stage, qui dava le nomine al nave?

3. Qual typo de nave es Georg Stage? E quante mastes ha illo?

4. Es le nave sur le photo le nave original?

5. Que face le nave in le porto in Nexø?
